



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Theses Theologicae De Opinione Probabili**

**Huygens, Gommarus**

**Lovanii, [1683?]**

Conclusio Sexta. Ex Decretis Alexandri VII. anno 1665. & Innocentii XI.  
anno 1679. colligitur non subsistere doctrinam de usu probabilium  
anterioribus Conclusionibus Expressam.

**urn:nbn:de:hbz:466:1-40441**

peccari dum ex simili ignorantia inter dubia estimatur tutius, quod legi Dei contrarium est; vel potius dum ex tali ignorantia in talibus circumstantiis id agitur, quod legi Dei contrarium est.

## CONCLUSIO SEXTA

*Ex Decretis Alexandri VII, anno 1665. & Innocentii XI. anno 1679. colligitur non subsistere doctrinam de usu probabilium anterioribus Gonclusionibus expressam.*

**A**lexander VII. 45. propositiones Christianæ disciplinæ relaxtivas, damnat ut scandalosæ, Innocentius XI. 65. ejusmodi opiniones proscribit ut minus tamquam scandalosæ & in praxi perniciose. Hinc conficitur quod ejusmodi opiniones, non obstante suâ probabilitate quam eis recentiores aliqui Theologi tribuebant, fuerint ante earum condemnationem, ut Alexander VII. loquitur, scandalosæ, &c, ut Innocentius XI. ut minus scandalosæ & in praxi perniciose. Siquidem nimis stolidum est dicere, quod Summi Pontificis opiniones istas suâ condemnatione scandalosæ & in praxi perniciose fecerint: nihil enim certius, quam dictas opiniones, quia ante scandalosæ & in praxi perniciose erant idcirco fuisse proscriptas: nam si opiniones istæ, que vocantur aut vacabantur probabiles, factæ sint scandalosæ & in praxi perniciose per proscriptionem, cum ante per probabilitatem fuerint, ut volunt, in praxi tutæ; dicendum erit quod Pontifices suâ proscriptione nihil boni Ecclesiæ, sed potius mali attulerint, dum 10. sententias, quæ ante in praxi erant tutæ, jam fecerint suis Decretis scandalosæ & in praxi perniciose. Quomodo se hic extricabunt probabilitatum patroni? Dicentne quod opiniones istæ ante condemnationem non fuerint suâ probabilitate in praxi tutæ? Si hoc dicant, quomodo subsistat ipsorum doctrina de usu probabilium antè expressa? Ante admittent quod istæ propositiones per condemnationem factæ sint scandalosæ & in praxi perniciose? Si illud admittunt, dicant consequenter quod dicti Pontifices graviter nō fecerint saluti Fidelium, dum viam Cæli, quæ anteā erat tantò latior, nec ideo secura minus, jam fecerint tantò arctiore, nec idcirco securam magis. Superest ut probabilitatum Patroni confugiant ad subsequens disjunctum, dicendo, vel opiniones istas non fuisse probabiles, vel si fuerint probabiles, non potuisse velut scandalosæ & in praxi perniciose condemnari. Quod postremam disjuncti partem attinet, refutatione non eget: quia istud afferere est unius alteriusvè docentium, quos doctos vocant & probos, autoritatem supra censuras. Pontificum & ipsius Ecclesiæ evocare: quin etiam non difficile esset inde inferre, quod pluris valebit auctoritas unius alteriusvè illorum, quos doctos vocant & probos, dum hi dicunt quidpiam esse licitum, quam Summi Pontificis aut Ecclesiæ dicentium istud esse illicitum. Non subsistit etiam prior pars antedicti disjuncti, scilicet quod opiniones à Summis Pontificibus condemnatae ante condemnationem non fuerint probabiles, nam plures istarum opinionum, quod ostendere facillimum est, & fortè omnes, habuerunt quidquid probabilitatum Patroni requirant ut opinio quæpiam dicatur probabilis, ex. g. octava & nona inter condemnatas ab Innocent XI. Comedere & bibere usque ad satietatem non est peccatum, modo non ob sit voluntini, quia licet potest appetitus naturalis suis actibus fui. Item: Opus conjugii ob solam voluptatem exercitum omni penitus caret culpa ac defectu veniali. Quas propositiones ante suam condemnationem, necessum est habuisse eminentem probabilitatis gradum apud plerosque illorum, qui tantâ animositate oppugnant doctrinam Lovaniensem, seu verius Augustini de actibus referendis in Deum. Notum etiam est quam ingens fuerit recentiorum numerus tradentium tertiam inter condemnatas ab Innocentio XI. hanc scilicet: generatim dum probabilitate sive intrinsecâ, sive extrinsecâ, quantumvis tenui, modo à probabilitatis finibus non exeat, confisi. liquid agimus; sive per prudenter agimus; hæc enim propositione includitur in vasto illo, ac adeò universaliter à tot Recentioribus admisso principio: licet agere id quod probabiliter non est contrarium Legi. Quin etiam propositione 26. quantumvis homini cordato etiam primo intuitu appareat summe scandalosa & pernicioса, habuit tamen que Recentiores requirunt ad probabilitatem extrinsecam: propositione in hunc modum sonat: Si quis vel solus, vel coram aliis, sive interrogatus, sive propriâ sponte, sive recreationis causâ, sive alio quocumque fine jure

se non fecisse aliquid quod revera facit, intelligendo intra se aliquid aliud quod non fecit, vel alias diem ab eā in qua fecit, vel quodvis aliud additum verum, revera non mentitur, nec est perjurus. Hanc propositionem habuisse illa quae Recentiores requirunt ad probabilitatem extrinsecam, imo plusquam ipsi requirunt, ostenditur in hunc modum: solummodo requirunt autoritatem unius alteriusve docti, ut vocant, & probi: at verò liber ex quo ista propositio ad verbum desumpta est (ut nihil dicamus de Censore ipsis ordinario, nihil de Collegis, dicti libri comprobationibus & laudatoribus) pro illâ sententia adducit octo vel novem authores, inter quos recenset non nullos qui à Recentioribus Authores Classici vocantur. Numerus hic procul-dubio non parum auctus est ab hinc annis plus minus 50. id est, ex quo liber iste editus fuit: siquidem Alexandro VII. teste, contigit interea summam istam luxuriantum ingeniorum licentiam in dies magis excrescere circa opiniones Christianæ disciplinae relaxativas & animarum perniciem inferentes. Habuit ergo ista propositio dum liber iste conscriptus est, id quod Recentiores requirunt ad probabilitatem extrinsecam; & multò magis illud habuit, dum eamdem opinionem decursu tot annorum complures alii authores sunt amplexi: ex quibus indubitate relinquitur, quod dicta opinio ante condemnationem Innocentii XI. abunde habuerit quod Recentiores requirunt ad probabilitatem extrinsecam. Ex quibus omnibus rursus consicetur falsum esse quod summi Pontifices Alexander VII. & Innocentius XI. non condemnaverint propositiones, quae ante condemnationem erant juxta appellationem Recentiorum probabiles. Insertur secundò quod istæ propositiones fuerint scandalose & in praxi perniciose, quando ante condemnationem vocabantur probabiles. Tertiò colligitur inde quod non subsistat Recentiorum doctrina de usu probabilium expressa in Conclusione 2.

## CONCLUSIO SEPTIMA.

*Dictum Recentiorum quorundam principium de usu probabilium non consistit cum doctrina S. Augustini & Veterum Scholasticorum.*

**I**N nuperis Thesibus de Percatis Ignorantiae Conclusione 8. ostendimus, quod secundum S. Augustinum ignorantia juris naturæ non excusat in totum agentem contrâ illud: ex Conclusione decima patet idem esse consequaneum ex sententia Veterum Scholasticorum de ignorantia juris naturæ, nimirum non excusari in totum agentem contrâ illud. Quod eadem etiam sit sententia Lovaniensem cuilibet notum est. Itaque juxta S. Augustinum & Veteres Scholasticos, non excusat in totum quisquis etsi ex ignorantia, modo tamen liberè, transgreditur jus naturæ; non excusat, inquam, etsi plenè ignoret, id est, etsi pro certò habeat quod non agat contrâ jus naturæ: adeoque multò minus excusat, si jus naturæ transgreditur, dum solummodo estimat probabile se non agere contrâ jus naturæ. Etenim si hoc solum estimat probabile, necessum est ut ei incertum sit num sua actio non sit revera juri naturæ contraria: neque enim potest hoc non esse incertum, cum notissimum sit quod omne probabile sit incertum. Si hoc illi incertum sit, minus excusat transgressio juris naturalis, quam si pro certo haberet se jus naturale non transgredi: quare si juxta S. August. & veteres Scholasticos ignorantia juris naturæ nunquam excusat in totum agentem contrâ illud, pro indubitate habendum, necessum esse ut secundum eorum sententiam etiam non excusat probabilitas. Porro etsi evidens sit hæc consequentia: ignorantia juris naturæ nunquam excusat in totum agentem contrâ illud, ergo etiam non probabilitas; non tamen vicissim sequitur; non in totum excusat probabilitas agentem contrâ jus naturæ, ergo etiam non ignorantia: nam qui scit actionem à se exercendam solum probabiliter fore non contrariam legi naturæ, scit subesse periculum ne sit revera juri naturæ contraria: adeoque peccat; imprimis quia juris naturæ transgressio, si revera contrâ illud agit, prævideri facile potuit ut verosimiliter securata. Secundo, etiam tunc peccat, quando in ejusmodi casu probabilitatis exercet actionem quæ recipit non est juri naturæ contraria, peccat, inquam, ratione periculi transgrediendi jus naturæ, cui periculo se exposuit sine justâ causâ, si non erat simile periculum in omissione actionis.

Duplici